

REKOMENDASON PA ASON DI MBK DI BOSTON

Mayor Martin J. Walsh enkarrega Kumitê Konsultivu di "My Brother's Keeper" (MBK) - Rasponsável pa nha Irmun - di Boston pa dizinvolve rekomendason di regulamentus y prugramas pa oferese um razultado permanenti y sustentávil pa jovens di Boston, spisialmenti rapazis afro-amerikanus y latinus. Ku involvimentu di kumunidadi y ku trabadju entri sub-kumitês, Kumitê Konsultivu di MBK di Boston kria rekomendason baziadu na midjoris prátkicas, prátkicas ku fundamentu na ividênsias y prátkicas prumisoras di regulamentus y prugramas ifikaz a nível lokal y nasional. Kada rekomendason ê suportadu tanbe pa planus di ason y indikadoris di informason pa midi prugresu y susesu na futuru.

ETAPA 1: Graduason di liseu (high school) y prontu pa universidadi ó trabadju prufisional.

1. kriason di más susiadadis entri skolas y kumunidadi

- a. BPS ta kontinua sforsu pa kria un dukumentu pa rijista susiadadis ki ta pirmitti BPS midjora y diministra se susiadadis. Rijistu ta iziji tanbe kunprimentu di un kunjuntu di prugramas di kualidadi y avaliason di dizinpenhu ki ta pirmitti BPS y se parserus midi ifikásia di sforsu di parserus na realiza stratéjia y apoiu pa ilimina dizigualdadi.
- b. In kolaborason ku parserus di fora, BPS y Cidadi ta fasilita identifikason y fiskalizason di midison di kualidadi di dizinpenhu pa programas dipôs di skola y di veron. Midison kumun y stratéjias di konpartisipason di dadus ta pirmitti pa tudu partisipantis fika ta sabe ken ki (ó ken ki ka) sta ser sirvidu y avalia razultadu di programas di prendizaji di jovens.
- c. In kolaborason ku *Boston Afterschool and Beyond* y sê Konsedju di susiadadi di 70 ilimentus (kompostu pa organizasons lokais sin fin lukrativu, finanziadoris y BPS), Cidadi ta prukura kontinua ta dizenvolve inisiativa "Boston Learns Togehter" (Boston ta prendi djuntu).

2. Aumenta asesu a curríkulu rigurozu y instruson

- a. Novu manera di pensa na dizenhu di mudelu di idukason di Cidadi.
- b. Splora opurtunidadis pa implimenta stratéjias di "rigor pa tudu" ki ta oferese tudu alunus maior asesu a disiplinas avansadu na tudu nível di ensinu.
- c. Forsa midjoria di curríkulu y integrason di instruson di inpurtânsia kultural in susiadadi ku skola y kumunidadi y diskubri maneras di uza tekhnulujia pa djuda alunus fika más involvidu na ses prendizaji.

3. Aumenta diversidadi y prufisiênsia kultural di diretoris y inpregadus

- a. *Open Post/Early Hire* (Publika vaga/kontrata sedu): es inisiativa ê baziadu na tioria di ason ki si diretoris y "prinsipais" dadu opurtunidadi di kontrata inpregadus di ses skodja és ta kontrata inpregadus ku kualidadi y diversidadi.



- b. *The Office of Equity* (Dipartamentu di Igualdadi) ta fiskaliza ativamente y reve pididus di impregu pa djuda garanti ma distritu ta ser rasponsávil pa rekruta, dizinvolve y mante un ikipa di trabadju divirsifikasiadu. *The Office of Equity* ta fortifika sê trabadju ku utilizason di sê sistema di avaliason pa rasponsabiliza diretoris ku diretivas pa imprega, dizinvolve y mante un ikipa divirsificadu di impregadus.
- c. Tantu Dipartamentu di Pesoal di BPS komu Dipartamentu di Igualdadi sta pensa na novu stratéjias di dizinvolvimentu di profesoris y sta da prioridadi a nisisidadi pa idukadoris na dipartamentu sentral y na skolas dimonstra prufisiênsia kultural na dizinpenhu di ses trabadju. Planus di riforma di trenu ta konsentra na instruson di relevânsia y rasponsabilidadi kultural y ta iziji pa idukadoris dimonstra komprension y uzu di stratéjias baziadu na piskiza pa involve alunus ki sta ku problemas gravis pa ikipara nívil di prendizagi.

ETAPA 2: Entra ku susesu na trabadju prufisional

Inpregu di jovens

1. Dizinvolve iniciativas spirimental di tutoria entri supervisores y impregadus jovens pa impregus de veron pa prumove relason di kuidadu y tutoria adultu na kumunidadi di nogósius pa jovens di Boston. Objetivu a longu prazu des iniciativa spirimental di tutoria ê distinadu pa aumenta tutoria ofisial dentu di prátkas di impregu di jovens.
2. Aumenta prátkas di informason sobri trauma y trenu pa alkansa tudu supervisoris ki ta jiri prugramas di impregu pa jovens na *Department of Youth Engagement and Employment* (Dipartamento di Involvimentu y Impregu di Jovens) na veron y duranti anu, un stratéjia di impregu signifikativu úniku ki ta integra privenson di violênsia juvenil.
3. Identifika novus fontis di finansiamentu y aumenta partisipason di setor privadu ku objetivu di garanti trabadju pa tudu jovens ki kre trabadja.

Dizinvolvimentu di forsa di trabadju y di nogósius

1. Aumenta rekursus y pulítika di apoiu pa dizinvolvimentu di prugramas di formason prufisional y tékniku di kualidadi superior na skolas públikus di Boston pa apoia un kaminhu diretu pa jovens afro-amerikanus y latinus ku talentu y tanbe pa tudu otus jovens.
2. Ser un lider izenplar, izamina novamenti regras di kontratu y prukurason di Cidadi di Boston pa ofere un stratéjia konsentradu na invistimentu y impregu di rizidentis afro-amerikanus y latinus pa konstruson y trabadjus permanenti.
3. Lansa un novu Studu di Dizigualdadi pa avalia pasadu y práтика ofisial di Cidadi di Boston na Involvimentu di “Minority-Owned & Women-Owned Business Enterprises” (nogósius ki pertense a rasas minoritárius y mudjeris) na sê kontratus y prukuras. Razultadu di studu ta guia stratéjia ofisial di involvimentu di Cidadi pa kontrabalansa sê puder di dispeza pa inprezárius y donus di nogósiu ki ten disventaji ikunómiku.



4. Iduka y trena líderis di indústria y ofisiais ileitu pa sirvi komu aliadus na formason di um kaminhu diretu pa jovens afro-amerikanus y latinus ku talentu.
 - a. Midjora relason ku skolas di nogósiu di klasi mundial di Boston y universidadis kumunitárias pa insina abilidadis inprezarial y stratéjias di dizinvolvimentu di nogósios pa juventudi di kor.
 - b. Dizinvolve un susiadadi entri lídiris di câmara (di kumérsiu) y kumunidadi inprezarial pa insentiva tutoria, lideransa y apoiu di nogósios ki ê prupriadadi di pesoas minoritárias y imigrantis.
 - c. Distaka y apoia inprezárius afro-amerikanus y Latinus ku organizason di eventus puzitivus y involvimentu pesoal ki ta pô inprezárius ku inspirason y kês ku spiriênsia in kontatu ku invistidoris, mentoris y prestadoris di sirvisu pa reuni, kria elu di ligason y kolabora pa kria kumunidadis vibrantis y inovadoras.
5. Midjora kordenason di rekursus y angariason di dadus dentu di kumunidadi pa apoia kriason di un kaminhu diretu pa jovens afro-amerikanus y latinus ku talentu.
 - a. Dizenha un prusesu orientadu pa dadus pa klasifikason di inprezas baziadu na ses nívil di inpregu di jovens afro-amerikanus y latinus, inkluindu sigumentu baziadu na inpregu, saúdi y razultadu di pruveitamento akadémiku, ku objetivu di furnise un pontu di referênsia na ditirminason di indústrias y inprezas pa ser involvidu na opurtunidadis di inpregu di jovens di cidadi interu.
 - b. Kria un lista “online” di tudu prugramas y rekursus lokal di dizinvolvimentu di nogósios di guvernu y kês ki ê ka di guvernu asesívil a tudu jovens y adulesentis pa aumenta asesu y konprienson di potensiais donus di nogósios.

ETAPA 3: Raduzi violênsia juvinil y oferece un sigundu opurtunidadi

1. Distaka involvimentu di pais komu apoiu pa kriansas y adulisentis ku un prugrama di privenson destinadu a kriansas di 10 a 14 anu di idadi y ses pais ki ta mora na vizinhansas di altu risku, baziadu na mudelu provadu di Prugrama di “Strengthening Families” (Fortalisimentu di Famílias).
2. Dizinvolve un planu stratéjiku pa “*Boston Centers for Youth and Families*” ku indikason di metas di médiu y longu prazu pa aumenta involvimentu y utilizason di ses idifísius, pa apoia di modu spisial jovens y famílias ki ten saláriu baxu.
3. Através di “*Mayor’s Public Safety Initiative*”(Inisiative di Siguransa Públiku di Mayor), kria un sistema di siguransa di kualidadi pa uni kordenason y kumunikason pa midjora prestason di rasposta di trauma dentu di kumunidadi y rasponsibilidadi pa ruas y vizinhansas ku más siguransa. Konjuntamenti, es sistema di garantia deve inklui prugramason mudelu pa oferece divulgason y kumunikason sobri rekursus y servisus dispunível na kumunidadi.



4. Intensifika prugramas ifikaz di impregu pa rientrada, inkluindu kel ki Cidadi di Boston lansa komu pilotu ku sucesu, "Operation Exit" (*Operason di saída*) y kunplimenta pulítikas di impregu ki ta ofere se asesu y opurtunidadi di impregu entri populason afetadu pa CORI y involvidu ku tribunal.
5. Identifika parserus impurtanti na kumunidadi pa kria y lansa un kampanha di "marketing" pa distaka pesoas na bairrus y vizinhansas di sidadi ki ta kontribui puzitivamente pa Boston y pa susiadadi pa inkoraja imaji puzitivu entri jovens di kor.
6. Kolabora ku ajênsias di siguransa públiku, servisus susiais, y abitason pa avalia y midjora pulítikas di abitason ki ta apoia stabilitadi na vida di sidadons ki sta regresa y riduzi nível di reinvidênsia.
7. Kria un forsa spisial di sentros di saúdi kumunitárius y sentrus kumunitárius di "Boston Centers for Youth & Families" ku objetivu di forma un susiadadi entri é pa aumenta prestason di servisus di saúdi mental na kumunidadis di Boston. "Boston Public health Commission" ta pensa ma di kês 120 skolas na distritu, pelu menus 25 ka ten parserus pa presta sirvisus pa ses alunus. Um susiadadi entri sentrus di saúdi kumunitáriu y sentrus kumunitárius ta kontribui pa prienxi kel vaziu.

COMITÉ CONSULTIVO DI MBK DI BOSTON
Prósimus riunions di Sub-Kumitê

Sub-Kumitê	Data	Ora	Lugar
Artis & kultura	29 di Junho di 2015	6:00 – 7:30 pm	Boston Public Library – Copley Commonwealth Room, 700 Boylston Street, Boston
Involvimentu síviku	3 di Junhu di 2015	6:00 pm – 7:30 pm	La Alianza Hispana, 409 Dudley Street, Roxbury
Idukason	16 di junho di 2015	4:00 pm – 6:00 pm	Bruce Bolling Building, 2300 Washington Street, Boston
Saúdi y sirvisus susiais(inkluindu impregu di jovens)	1 di Junhu di 2015,	4:00 pm – 6:00 pm	BCYF Tobin Community Center, 1481 Tremont Street, Roxbury Crossing
Siguransa públiku	3 di Junhu di 2015	5:00 pm – 6:00 pm	BCYF Tobin Community Center, 1481 Tremont Street, Roxbury Crossing
Dizinvolvimentu di forsa di trabadju	9 di Junho di 2015	6:00 pm – 7:30 pm	BUILD, 6 Beacon Street, Suite 415, Boston

